

adh gu h-inbhe mhòir, ach feuch, chum an Tighearn air t'ais thu o inbhe.

12 Agus thubhairt Balaam re Balac, Nach do labhair mi eadhon re d' theachdairibh a chuir thu a'm' ionnsuidh, ag ràdh,

13 Ge do bheireadh Balac dhomhsa làn a thighe dh'airgiod agus a dh'òr, cha b'urrainn mi dol thar àithne an Tighearna, a dheanamh maith no uile o m'inn-tinn féin; ach ge b'e ni their an Tighearna, sin labhraidh mise?

14 Agus a nis feuch, tha mi dol a dh'ionnsuidh mo dhaoine féin: thig *nime sin*, bheir mi rabhadh^a dhuit, ciod a ni 'n sluagh so air do shluagh-fa' anns na laithibh deireannach.

15 Agus thog e suas a chosamhlachd, agus thubhairt e, Thubhairt Balaam mac Bheoir, agus thubhairt an duine aig an robh a shùilean dùinte:

16 Thubhairt efan a chuala briathra Dhé, agus d'an àithne colas an Ti 's ro-airde, a chunnaic taibeanadh an Uile-chumhachdaich, a' tuiteam agus a shùilean air am fosgladh:

17 Chi mi e, ach ni h-ann a nis: amhaircidh mi air, ach ni h-ann am fagus: thig reul^b a mach a Iacob, agus éiridh flat rioghail a h-Israel, agus buailidh i oisinn Mhoib, agus cuiridh i as do chloinn Shet uile.

18 Agus bithidh Edom 'na sheilbh, bithidh Seir mar an ceudna 'na sheilbh aig a naimh-dibh, agus ni Israel gaisge.

19 A mach a Iacob thig efan a bhios 'na uachdaran, agus

sgriosaidh e 'n ti a mhaireas do'n bhaile mhòr.

20 Agus anuair a dh'amhairc e air Amalec, thog e suas a chosamhlachd, agus thubhairt e, Tùs nan cinneach Amalec, ach is e dheire *bhi* air a sgrios gu sìorruidh.

21 Agus dh'amhairc e air na Cenich: agus thog e suas a chosamhlachd, agus thubhairt e, Is làidir t'àite-còmhnuidh, agus tha thu cur do nid ann an carraig.

22 Gidheadh, fàsaichear na Cenich gus an d'thoir Asur leis thu ann am braighdeanas.

23 Agus thog e suas a chosamhlachd, agus thubhairt e, Mo thruaigh! cò bhios leo 'nuair a ni Dia so?

24 Agus *thig* longan o iomall^c Chittim, agus ni iad olc air Asur, agus ni iad olc air Eber, agus sgriosar efan mar an ceudna gu bràth.

25 Agus dh'éirich Balaam suas, agus dh'fhalbh e, agus phill e d'a àite féin: agus dh'fhalbh Balac mar an ceudna air a shlighe féin.

C A I B. XXV.

A GUS dh'fhan Israel ann an Sitim, agus thòisich an sluagh air striopachas a dheanamh le nigheanaibh Mhoib.

2 Agus ghairm iad an sluagh gu òbairtibh an dée: agus dh'ith an sluagh, agus chrom iad sìos d'an déibh.

3 Agus cheangail Ifraeil e féin re Baal-peor: agus las corruich an Tighearn 'an aghaidh Ifraeil.

4 Agus

^a fos, sanas. ^b reult. ^c o làimh Eabb.